



REPUBLIKA E SHQIPËRISË
KËSHILLI I LARTË I PROKURORISË

VENDIM
Nr. 49, datë 20.03.2025

PËR
“CAKTIM TË PËRKOHSHËM”

Këshilli i Lartë i Prokurorisë, me pjesëmarrjen e:

1. Zonjës Mirela BOGDANI	Kryetar
2. Zotit Erind GERMENJI	Zv/Kryetar (në mungesë)
3. Zotit Sokol STOJANI	Anëtar
4. Zotit Zeqir HODA	Anëtar (në mungesë)
5. Zonjës Arta MANDRO	Anëtar
6. Zonjës Ledina RIZA	Anëtar
7. Zotit Moisi DUDA	Anëtar
8. Zotit Vatë STAKA	Anëtar
9. Zotit Olger EMINAJ	Anëtar
10. Zotit Erind MERKURI	Anëtar (në mungesë)
11. Zotit Erion FEJZULLA	Anëtar

në mbledhjen e datës 20.03.2025, në përputhje me procedurën e përcaktuar në nenin 149/a të Kushtetutës së Republikës së Shqipërisë, nenin 59 pika 1 dhe 4, të ligjit Nr.96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, nenet 164 pika 8, 166 pika 2, 189 pika 1, germa “a” të ligjit nr.115/2016 “Për organet e qeverisjes së sistemit të drejtësisë” i ndryshuar, Rregulloren “Për caktimin e përkohshëm të prokurorëve” e ndryshuar, shqyrtoi çështjen me objekt:

“Caktim të përkohshëm”

KËSHILLI I LARTË I PROKURORISË:

KOPJE WEB

Pasi mori në shqyrtim, relacioni shoqërues nr. 1003 prot., datë 18.03.2025, të Komisionit të Zhvillimit të Karrierës, dëgjoi relatorin zotin Sokol Stojani, si dhe referuar bazës ligjore të lartpërmendur, përfshirë diskutimet në mbledhje mbi çështjen,

V Ë R E N:

1. Këshilli i Lartë i Prokurorisë (në vijim Këshilli) është institucioni që garanton pavarësinë, disiplinën, statusin dhe karrierën e prokurorëve në Republikën e Shqipërisë. Brenda kompetencave ligjore dhe nënligjore, ai shqyrton, miraton ose refuzon kërkesat e prokurorëve për veprimtari jashtë funksioni.
2. Me vendimin e Këshillit nr. 74, datë 26.03.2021, prokurori Kreshnik Ajazi është caktuar nëpërmjet procedurës së ngritjes në detyrë, në pozicionin e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Elbasan. Ushtrimi i këtij funksioni për prokurorin Ajazi, ka filluar në datën 26.03.2021 dhe përfundonte në datë 25.03.2024.
3. Me shkresën nr. 8813 prot., datë 11.09.2023, administruar në institucion me nr. 2122 prot., datë 15.09.2023, zoti Ajazi ka paraqitur kërkesën për rikandidim në pozicionin e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Elbasan, mbështetur në pikën 2 të nenit 52 të Ligjit për Statusin.
4. Këshilli në zbatim të pikës 3, të nenit 52 të Ligjit për Statusin, si dhe Rregulloreve “Për procedurën e verifikimit të kushteve dhe kriterëve ligjore për rekrutimin, emërimin si magjistrat dhe caktimin në pozicion të kandidatëve për prokurorë, si dhe zhvillimin e karrierës së prokurorëve” e ndryshuar” dhe “Mbi kriteret dhe procedurat e ngritjes në detyrë në pozicionin e drejtuesit në prokuroritë e juridiksionit të përgjithshëm” me vendimin nr.26, datë 07.03.2024, ka vlerësuar të përfunduar procedurën e verifikimit të pasurisë dhe figurës për prokurorin Kreshnik Ajazi, kandidat për pozicionin e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Elbasan, si dhe ka lejuar këtë kandidat të vijojë me procedurat e mëtejshme të ngritjes në detyrë.
5. Aktualisht, procedura e vlerësimit (sipas vendimit nr.389, datë 14.12.2023, të Këshillit të Lartë të Prokurorisë), sipas Rregullores “Për vlerësimin e drejtuesit të prokurorëve të juridiksionit të përgjithshëm” për prokurorin Kreshnik Ajazi, që ka rikandiduar për një mandat të dytë në pozicionin e drejtuesit, është ende në vijim.
6. Duke qenë se, me vendimin nr. 271, datë 23.12.2024, të Këshillit zoti Kreshnik Ajazi është caktuar të ushtrojë funksionin e drejtuesit të zyrës së prokurorisë Elbasan për një periudhë deri në tre muaj, si dhe për shkak se, procedura administrative lidhur me vlerësimin sipas vendimit të Këshillit, nr. 389, datë 14.12.2023, nuk ka përfunduar ende, Komisioni i Zhvillimit të Karrierës, propozoi caktimin përkohësisht të zoti Kreshnik Ajazi, në pozicionin e drejtuesit në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, për një periudhë deri në tre muaj

KOPJE WEB

7. Ky propozim vjen në zbatim të nenit 59 të ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë”, i ndryshuar, parashikon se:

“1. Pozicioni i magjistratit mund të plotësohet përkohësisht, kur magjistrati me pozicion të përhershëm nuk është në gjendje të ushtrojë funksionin për një periudhë jo më shumë se tre muaj, për shkak të:

- a) caktimit në pozicione të tjera,*
- b) arsyeve të tjera të parashikuara nga ligji.*

Në referim të nenit 42/2, të ligjit të sipërpërmendur përcaktohet se:

“... Pozicioni është përkohësisht i lirë kur magjistrati që ka atë pozicion në mënyrë të përhershme, për të paktën 3 muaj, është përkohësisht në pamundësi për të ushtruar funksionin në atë pozicion.”

Referuar nenit 3 të Rregullores “Për caktimin e përkohshëm të prokurorëve”, miratuar me Vendimin Nr. 64, datë 15.04.2019 të Këshillit të Lartë të Prokurorisë, e ndryshuar, përcaktohet se:

“Neni 3

Kriteret për caktimin e përkohshëm të prokurorëve

- 1. Prokurori mund të caktohet përkohësisht në çdo pozicion të të njëjtit nivel ose të një niveli tjetër, për të cilin përmbush kërkesat dhe kriteret e parashikuara në ligj për këtë nivel apo pozicion, në të njëjtën prokurori ku ushtron funksionin ose në një prokurori tjetër.*
- 2. Këshilli i Lartë i Prokurorisë respekton për aq sa është e mundur vullnetin e prokurorëve gjatë caktimit të përkohshëm.”*

Për sa më sipër, Këshilli i Lartë i Prokurorisë konstaton se:

- 8. Plotësimi i pozicionit vakant të drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Elbasan është proces që garanton organizimin e punës, mirëfunksionimin e prokurorisë, përfaqësimin e prokurorisë në marrëdhënie me të tretët etj. Këshilli vlerëson se zoti Kreshnik Ajazi përmbush kriteret ligjore për të ushtruar këtë funksion si i caktuar përkohësisht.
- 9. Ky caktim i përkohshëm me afat deri në tre muaj, mund të ndërpritet në çdo moment nëse Këshilli vendos të vijojë me procedurat e emërimit të drejtuesit të prokurorisë pranë Gjykatës së Shkallës së Parë të Juridiksionit të Përgjithshëm Elbasan.

PËR KËTO ARSYE:

Bazuar në nenin 149/a të Kushtetutës së Republikës së Shqipërisë, nenin 59 pika 1 dhe 4, të ligjit Nr.96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, nenet 164 pika 8, 166 pika 2, 189 pika 1, germa “a” të ligjit Nr.115/2016 “Për organet e qeverisjes së sistemit të drejtësisë” i ndryshuar, Rregulloren “Për caktimin e përkohshëm të prokurorëve” e ndryshuar, si dhe relacionin shpjegues të përgatitur nga Komisioni për Zhvillimin e Karrierës, Këshilli i Lartë i Prokurorisë,

VENDOSI:

1. Zoti Kreshnik Ajazi, aktualisht prokuror në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, caktohet përkohësisht të ushtrojë funksionin e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Elbasan.
2. Zoti Kreshnik Ajazi do të ushtrojë funksionin e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Elbasan për një periudhë deri në tre muaj.
3. Për periudhën e përmendur në pikën 2, zoti Kreshnik Ajazi do të paguhet me pagën e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Elbasan.
4. Të njoftohen për këtë vendim zoti Kreshnik Ajazi, Prokurori i Përgjithshëm dhe Prokuroria pranë Gjykatës së Shkallës së Parë të Juridiksionit të Përgjithshëm Elbasan.
5. Ky vendim hyn në fuqi menjëherë dhe publikohet në faqen zyrtare të internetit të Këshillit.

U shpall në Tiranë, sot më 20.03.2025.

KRYETAR
Mirela Bogdani

ANËTAR
Sokol Stojani

ANËTAR
Arta Mandro

ANËTAR
Ledina Riza

ANËTAR
Moisi Duda

ANËTAR
Vatë Staka

ANËTAR
Olger Eminaj

ANËTAR
Erion Fejzulla